



# ԳՈՐԴՅԱՆ ՀԱՆԳՈՒՅՑ

ՀԱՅ ՀԱՏՈՒԿ  
ՂԱՍՏՆԹԱՅՆԵՐԻ ԲԱԺԻ  
«ԳՈՐԴՅԱՆ ՀԱՆԳՈՒՅՑ»  
ԾՐԱԳՐԻ ՏԵՂԵԿԱԳԻՐ

15-ը հուլիսի, 1999 թ Թիվ. 3

## ՍԵՎԱՆԻ ՀԻՄՆԱԽՆԴԻՐ. ՏԱՐԲԵՐ ՏԵՍԱՆԿՅՈՒՆՆԵՐ

Քննարկման ընթացքը ցույց տվեց, որ տարբեր գերատեսչությունների ներկայացուցիչները տարբեր մոտեցումներ ունեն խնդրո առարկա հիմնահարցի լուծման առնչությամբ: Եթե բնապահպանության նախարարության ու էներգետիկների ներկայացուցիչներն ընդունելով Սևանա լճի վիճակի օրհասականությունը, այսուհանդերձ, գտնում էին, որ հարցին պետք է մոտենալ համընդհանուր, այդ թվում՝ սոցիալ-տնտեսական, խնդիրները հաշվի առնելով, ապա ըստ Հայ էկոլոգների միության նախագահի, ներկա բնապահպանական հասարակական կազմակերպությունների ներկայացուցիչների կարծիքով, հիմնախնդիրն այնքան սուր է դրված, որ առաջնահերթությունը պետք է տրվի լճի էկոլոգիական վիճակի վերականգնմանը:

Ռաֆայել Հովհաննիսյանի ներկայացրած փաստերն ավելի քան խոսում էին: Նախ՝ Սևանա լճի գոյության 50 հազար տարվա ընթացքում, մինչև 1930-ական թվականները, երբ արդեն սկսվեց ջրի բացթողումը, լճում օրգանական նյութի ավելացում չի արձանագրվել: Այսինքն, եթե թողնվեր բնական ընթացքին, լճի մահացման, ճահճացման գործընթացը կծգվեր 100-200 հազար տարի: Սակայն ընթացիկ դարի երկրորդ կեսից, երբ լճից ջրի ելքը նախկին 100մլն խորանարդ մետրի փոխարեն հասցվեց 1000 մլն խորանարդ մետրի, պատկերը կտրուկ փոխվեց: Եթե 1935թ. լճում օրգանական նյութի քանակը կազմում էր 25 հազար տոննա, ապա 1998-ին այն հասել է 120 հազար, իսկ 1999-ին՝ 144 հազար տոննայի: Այսինքն, եթե 63 տարում օրգանական նյութի քանակն ավելացել է 5, ապա վերջին մեկ տարում՝ մոտ 1,2 անգամ: Եթե սրան գումարվեն լիճ լցվող ծանր մետաղների և թունաքիմիկատների մեծ քանակություններն, ապա, բնապահպանների զնահատմամբ, արդեն հինգ տարի հետո ստեղծված կլիմի էկոլոգիապես անվերականգնելի, աղետալի իրավիճակ:

Այս ամենն իր ազդեցությունն է ունեցել նաև լճային կենսաբազմազանության վրա, ստեղծվել է համակեցության աննախադեպ իրավիճակ: Էճում գրեթե անհետացել են իշխանի 3 ռասսաները, բեղլուն, վերացման եզրին են կողակը, անգամ սիգր: Զգալի փոփոխություններ են կատարվել ջրահավաք ավազանում: Զրոգտագործումը գետերին կանգնեցրել է սիրացման եզրին: Սերգեյ Շաշիկյանի վկայությամբ, լիճը նոսր երեք գետ՝ Վարդենիկը, Լիճքը և Մարտունին ցամաքել են: Էռոզիոն գործըն-

*«Արդեն հինգ տարի հետո ստեղծված կլիմի էկոլոգիապես անվերականգնելի, աղետալի իրավիճակ:»*

(շարունակությունը 2-րդ էջում)

*«Գորդյան հանգույց»  
ծրագրի շրջանակներում  
կազմակերպված հերթա-  
կան քննարկմանը  
մասնակցեցին*

*ՀՀ բնապահպանության  
նախարարության կենսա-  
ռեսուրսների պահպան-  
ման վարչության պետ  
Սերգեյ Շաշիկյանը.*

*ՀՀ ՂԱՍ հիդրոէկոլոգիայի  
և ծկնաբանության ինստի-  
տուտի տնօրեն, Հայ էկո-  
լոգների միության  
նախագահ  
Ռաֆայել Հովհաննիսյանը.*

*Սևան-Հրազդան կասկա-  
դի առաջին փոխտնօրեն  
Գարեգին Բաղդասարյանը*

«Գորդյան հանգույց» ծրագրի տեղեկագիր  
Հայաստանի ամերիկյան համալսարան  
Հատուկ դասընթացների բաժին  
URL:// www.aua.am/aua/extens/lectures

Ծրագրի համակարգող՝  
Հրայր Զորյան

Հայաստանի ամերիկյան համալսարան  
ՀՀ, ք. Երևան, Բաղրամյան 40  
հեռ. 27-16-58

Հասցեատեր՝

բացներ են գնում հողային ռեսուրսներում: Սա, ինչպես նաև զանգվածային անտառահատումները կարող են հանգեցնել ջրային ավազանի անապատացման: Բնական ֆիլտրների նվազումով, լճում կտրուկ ավելանում է անողնաշարավորների և միաբջջջ ջրիմուռների, տոքսիկ նյութերի քանակը: Իսկ այսպիսի ջուրը, Ռաֆայել Յովհաննիսյանի գնահատմամբ, շուտով անպիտան կլինի ոչ միայն խմելու և լողալու, այլև ոռոգման ու էներգետիկ նպատակներով օգտագործման համար: Այս առումով կարևորվում է այն կենդանատեսակների պահպանումը, որոնք լիճը մաքրում են օրգանական նյութերից: Դրանք, նախևառաջ, սիզն ու խեցգետինն են, որոնց որսը պաշտոնապես արգելվել է մինչև 2000 թվականի ապրիլի 30-ը:

Ըստ Հայ էկոլոգների միության նախագահի, ջրափոխանակությունն ապահովելու համար հարկ չկա ընդհանրապես դադարեցնել ջրի բացթողումը: Սակայն գործընթացը պետք է կազմակերպվի կանոնակարգված, հստակ պատճառաբանված ռեժիմով: Սանավորապես, ի տարբերություն էներգետիկների, բնապահպանները գտնում են, որ ջրի բացթողումը նպատակահարմար է կատարել ոչ թե ձմռանն, այլ ամռանն, ինչը թույլ կտա լիճը մաքրել ջրիմուռներից:

Բնապահպանների գնահատմամբ, թե էներգետիկ, թե գյուղատնտեսական առումով Սևանի ջուրը ռացիոնալ չի օգտագործվում: Ավելին, այդ նպատակներով ջրի բացթողումներն առաջարկվում է փոխհատուցել Արարատյան դաշտավայրի ստորգետնյա ինքնաբուխ ջրերը օգտագործելով և աստմային էներգետիկայում ուրանի օգտակար գործողության գործակիցը բարձրացնելով:

Սևանա լիճ ջրի մուտքի և ելքի ցուցանիշները տարիներ շարունակ մնացել են նույնը, բացառությամբ արհեստական բացթողնված ջրի ծավալի: Գետերի միջոցով լիճ մուտք է գործում 800 մլն խորանարդ մետր ջուր, տեղումներով՝ 500 մլն խորանարդ մետր, ստորգետնյա ջրերով՝ 30-50 մլն խորանարդ մետր: Ելքը գոլորշիացումից կազմում է 1000-1100 մլն խորանարդ մետր, ստորգետնյա հոսքով՝ 30-50 մլն խորանարդ մետր: Կառավարության որոշմամբ, 1999 թվականին արգելվել է էներգետիկ նպատակներով Սևանից ջրի բացթողումը, իսկ գյուղատնտեսա-

կան նպատակներով դուրս տրվող ծավալը 250 միլոնից իջեցվել է 198 միլոն խորանարդ մետրի: Սրա շնորհիվ պետք է, որ դրական հաշվեկշիռ ապահովվի: Ներկաները, սակայն, թերահավատորեն արտահայտվեցին ջրի բացթողումների վերահսկելիության առնչությամբ:

Մասնակիցներն արեցին նաև ստեղծված իրավիճակից դուրս գալու ստույգ առաջարկներ: Գարեգին Բաղդասարյանի համոզմամբ, լուծելիք առաջնահերթ խնդիրներից գլխավորը Որոտան-Արփա թունելի շինարարության ավարտն է, որին մնացել է 800 մետր: Ըստ նրա, այս պարագայում միայն կարելի է խոսել առաջիկա երկու տասնամյակում Սևանի մակարդակի բարձրացման մասին: Ռաֆայել Յովհաննիսյանը կարևորեց կառավարության կողմից հանրապետության տնտեսական զարգացման առաջնահերթ ուղղությունների հստակեցումը, քանի որ դրանից ելնելով է, որ պետք է սրբազովեն բնապահպանական ծրագրերը: Շեշտվեցին կառավարության և խորհրդարանի կողմից բնապահպանական քաղաքականության,

*«Սևանի փրկության մինչ այս եղած ծրագրերի լավագույն տարբերակը դեռ մշակված չէ:»*

հանրապետության էկոլոգիական իրավիճակը բարելավող գործողությունների ու միջոցառումների առաջնահերթության և հաջողականության ծրագրերի, Սևանա լճի և նրա բնական պա-

շարների ռացիոնալ օգտագործման օրենսդրական դաշտի բացակայությունը:

Վերջինի հետ իր անհամաձայնությունն արտահայտեց Սերգեյ Շաշիկյանը: Ըստ նրա, Սևանա լճի ու նրա բնական պաշարների օգտագործման բավականին խիստ ռեժիմ է սահմանված «Սևան» ազգային պարկի կանոնադրությամբ, ջրային պաշարների օգտագործումը հստակ նորմավորված է ջրային օրենսգրքով: Խնդիրն այն է, որ թույլ է այդ իրավական ակտերի կենսագործման աստիճանը, ինչն ունի թե օւրբյեկտիվ, թե սյուբեկտիվ պատճառներ: Վարչության պետի խոսքերով, եթե անգամ ընդունվի կատարյալ օրենք, այն չի գործի, եթե հստակ չկանոնակարգվեն կառավարման համակարգի տարբեր օղակների իրավա սուբյուկտները:

Ինչ վերաբերում է Սևանի փրկության մինչ այս եղած ծրագրերին, ապա հանդիպման մասնակիցների գնահատմամբ, լավագույն տարբերակը դեռ մշակված չէ: